

10 ASO TALOSAGA – 2018

Aso Muamua_1

O le Suau'u mo le Fauuga

Faauta, o le mea e matua lelei ma le matagofie lava, pe a nonofo faatasi lava o uso. Ua tusa ma le suauu lelei i luga o le ulu, na tafe ifo i le ava, o le ava lava a Arona, na tafe ifo i le ua o ona ofu. Salamo 133:1,2

O le suau'u sa fau'uina ai le au ositaulaga o se faatusa lea o le Agaga Paia. E tatou te manaomia le Agaga Paia, na o Ia lea na te aumaia le lotogatasi i le tatou ekalesia, ina ia manuia ai lavasiga mo a tatou galuega faaola.

E tatau ona natia faatasi i tatou ma Keriso i le Atua. E matuā tatau lo tatou iloa lelei o Keriso. Ua na o lea lava e faatoa mafai ai ona avea i tatou mona sui i le lalolagi. Po o fea lava tatou te iai, e tatau ona faasusulu atu a tatou galuega lelei mo le viiga o le Atua. O le galuega sili, ma le taūa lea i o tatou olaga. O i latou uma o lo o i lalo o le puleaga moni a le Agaga Paia latou te faailoa Lona mana e ala i le tino mai i ō latou olaga o le upu moni ma ōna taiala e faavavau. Latou te faailoa ua liligi mai lala olive e lua le suau'u e faatumu ai avanoa uma o ō latou loto. O a latou upu e tumu i le mana o le Agaga Paia ina ia malū ai ma toamalie le loto. O le a faaalua ai fo'i upu e tautala ai o le agaga ma le ola. (*Reflecting Christ*, p. 130)

O sē na te lagona lona vaivai, ma tauivi pea ma le Atua e pei ona faia e Iakopo, sa ia tagi atu ma faapea, "Ou te le tu'una lava oe se ia e faamanuia mai ia te a'u," o le a alu atu ma le fou o le faau'uga a le Agaga Paia. O le a siosiomia o ia e lagona ma manatu faale-lagi. E aave ona aafiaga lelei e atagia atu ai talitonuga moni a Keriso. (*Medical Ministry*, p. 203)

'Ae a maliu mai o Ia, o le Agaga lea e tupu mai ai le 'upu moni, e ta'ita'i e Ia 'iā te 'outou i 'upu moni uma; auā e lē tautala fua o Ia na o ia, a o mea uma e fa'alogi i ai o Ia, e tautala ai lava, ma fa'ailoa mai 'iā te 'outou mea e o'o mai." (Ioane 16:13)

Ia faateleina i tatou i le iloa o le upu moni, ma auvatu le viiga uma ma le mamalu ia te Ia o Lē ua tasi ma le Tamā. Ia pulunaunau i lo tatou saili atu mo le faauuga a le Agaga Paia. Ia mamā lo tatou tuputupu faa-kerisiano ina ia faailoa lo tatou atoatoa ia Keriso i lotoā o le lagi. (*Reflecting Christ*, p. 219)

E tatau ona iai se fesuaiga o le faaulufale ma le faaulufafo, talia ina mai ma le auina atu. O le olaga galue lea o le Kerisiano. O lē na te faamaumau lona ola e toe maua.

Source Link: www.revivalandreformation.org

Samoan Version: www.asamtv.org

10 ASO TALOSAGA – 2018

Aso Muamua_1

E faatuputeleina le avanoa mo le taliaina o le suau'u paia mai laau olive e lua, i le sasa'a atu ma faagaogaoina e lē o talia le suau'u paia mai ia te ia, e ala ia upu ma gaoiga ina ia tali atu i manaoga o isi tagata. E ao ona faifaipea le talia ma faasoa atu o galuega matagofie ma faamalieloto

E tatau ona fou pea le faupu'e i aso uma. Ae fia ni tagata e ono tatou te fesoasoani atu ai e ala i lo tatou fesoota'i ma i latou! O lo o faatali le lagi atoa mo nisi e faaavanoa o latou loto e sasa'a mai ai le suau'u paia, ina ia avea ai i latou ma faamanuiaga ma oliolisaga i isi. E le o iai so'u popolega a mea e iai se tagata e faapai'e se galuega na te fai pe a faatasi ma Keriso. Afai e faatasi mai o Ia ma i tatou, e mautinoa foi lo tatou galulue faifaipea ma le mausali, ma e mautinoa fo'i lo tatou pipi'i atu pea ia te Ia. O le tumu atoatoa faalelagi e mautinoa le tafe atu i le tagata ola faapaiaina ina ia faasoa atu i isi. (Testimonies for Church, vol. 6, pp. 116, 117)

Pe a o'o ina pulea e le Agaga Paia mafaufau o o tatou tagata lotu, o le a maitauina i a tatou ekalesia le maualuga o le tapula'a i le gagana, auaunaga, ma le faaleagaga, nai lo le mea o lo o vaaia i le taimi nei. O le a faa-felesi e le vai o le ola tagata ekalesia uma, o i latou o lo o galulue i lalo o le Ta'ita'i, o Keriso lea, o le a o latou faailoa lo latou Matai faaleagaga e ala i a latou upu, galuega, ma o le a fefaamalosia'i le isi i le isi i le finau pea i luma i le galuega tele taufaai'u o lo galulue ai. (Counsel for the Church, p. 100)

Ua tatou lata atu i le taufaaiuga o le tala faasolopito o le lalolagi, ma o lo o valaau le Atua i tagata uma ina ia siitia le tapula'a o lo o mamana ai upu, "O i latou nei, e tausi i poloaiga a le Atua, ma taofi le mau ia Iesu." O lo o ia valaau i Ona tagata ina ia galulue ma le tasi atoatoa. O lo o Ia valaau ia i latou o lo o i galuega faafoma'i ina ia maopopo la latou galuega; o lo o Ia valaau mo i latou o lo o i galuega faafaifeau ina galulue faatasi ma e o lo o galulue faafoma'i faamisionare; ma o lo o Ia valaau fo'i mo le ekalesia ina ia taugapa i o latou tiute ua filifilia ai i latou, ia taofi mau i luga le tapulaa o le toefuatina moni i o latou lava laufanua, ae tu'u tagata a'oa'oina ma e ua masani i le galuega lavea'i e o i eleele fou. E leai se upu faavaivai e tautala ai se tasi e faavaivai ai se isi aua e matua faavauvau ai le finagalo o Keriso ae atili ai le fiafia o le fili. E manaomia e tagata uma le papatisoina i le Agaga Paia; e tatau ona matua tu'u le taufaaleaga ma faamatalaga taumuimui ae ia faalatalata atu ia Keriso, ina ia o latou talia ma le fiafia faiva ua faae'e atu e Keriso ia i latou ua avea ma ana paaga-galue. "Aga'i faatasi pea, aga'i faatasi pea," o upu ia a lo tatou Ta'ita'i faalelagi. O le Loto e tasi e malosi, ae o le fevaevaea'i e vaivai ma toilalopopo. (Counsels on Health, pp.517, 518)

Source Link: www.revivalandreformation.org

Samoan Version: www.asamtv.org